

docriver.com  
入驻商家  
在文川网搜索古籍书城 获取更多电子书

中國方志叢書·華中地方·第四六四號

據

清·葉滋森等修，褚翔等纂  
清光緒五年刊本

影印

江蘇省

# 靖江縣志



69/10975

成文出版社有限公司印行



\*10098006\*

494

中華民國七十二年三月臺一版

# 靖江縣志

共一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

靖江

縣

志

docsriver 文川网  
入驻商家 古籍书城

在文川网搜索古籍书城 获取更多电子书

重修靖江縣志序

中丞固始吳公開府三吳之年  
撤令所屬修纂邑志以備掌  
故而補亂後之缺供于時滋森  
三益斯見矣乃與邑中諸君子  
設局興修越十月而成為之序

曰自岷源東下浩蕩數千里注于  
海門下流輒成洲渚靖江實屹然  
于其間其始肇祥于馭沙以牧  
地拳區越千百年等子望孫當  
前明成化分符定壤之初事屬  
革創舊志敘述每病前志所

國家

承今則閱四百餘年風土人物  
日盛日繁此皆我  
國豈渾滂敷沐浴飲踐若不自知  
而益嘆夫教養作人效深而化  
速也前此大江南北軍興賊氛  
所及摧陷者不知凡幾靖以偏

隅莫爾得獨完于煙塵鋒鏑之  
交誦元次山春陵行與賊退示  
官吏詩迺信樸陋之區其自全者  
豈有故矣其時邑中恃江為障  
遂大施其防禦之方地利隘要  
之所闔又豈虛語哉滋森忝任

久善其人久尚質謹詢者多至三  
吳大備之習且樹藝蠶保比尸  
接門悉皆勤苦捺作以自食其  
力邑中命脉則以水利為要圖  
康熙朝前令侍郎鄭公作奮志  
序拳然于團河一事實後來

三

者之師也水利通不獨田疇易  
耳爭訟弭而經誦興蓋歲厚而  
廩恥立胥在此已夫志隸于史  
體例故昉于史家舉凡星野山  
川城隍賦役科舉營建人物藝  
文監于奮志而勤訛訂偽補缺

拾遺則總纂褚君之力為滿森  
特舉其六者書之以備一方之  
紀載云知靖江縣閩縣葉滿  
森撰

四

靖江縣志篇目

卷首

舊序 修輯姓氏 圖

卷一

皇仁恭紀 瑞世 耄老

卷二

營建志 城池 縣治 壇廟 祠祀 寺觀 坊表  
街巷 市鎮 郵驛

卷三

輿地志 沿革 分野 山川 疆界 水利 堰閘  
橋梁

靖江縣志

卷首

篇目

一

卷四

賦役志 田賦 戶口 款目

卷五

食貨志 土產 鹽法 風俗 方言 農歌 占候

卷六

學校志 廟學 官制 祭器 樂器 學田 學額  
書院 社學 義學 宜稱 鄉飲

卷七

兵防志 管制 官署 汛地 民壯 營員 兵事

卷八

股祥志

卷九

藝文志 書籍

卷十

職官志

卷十一

選舉志 封廕附

卷十二

良吏志

靖江縣志

卷首

篇目

二

卷十三

人物志 官績 忠表 孝友

卷十四

人物志 儒學 高隱 義行 藝術 流寓 方外  
耆壽

卷十五

人物志 列女

卷十六

古蹟考 名勝 樓閣 補遺

舊序

殷志序 明正德七年

知縣 殷雲霄

天下之城宇官職丁賦學校兵戎食貨土疆名士爲天下者不可不知郡邑之城宇官職丁賦學校兵戎食貨土疆名士爲郡邑者不可不知天下城宇之沿革官職之良戾丁賦之損益學校之起廢食貨之庸嗜兵戎之變襲土疆之險易名士之升沉惟于郡邑知之郡邑之城宇官職丁賦學校兵戎食貨土疆名士無志無可徵者周人小史外史之制今已無可徵

靖江縣志 舊序

卷首

一

後世莫善于漢班固氏書志志夫城宇官職丁賦學校兵戎食貨土疆城宇官職丁賦學校兵戎食貨土疆之人之事莫備于傳今之志皆有之殷子曰予來爲靖江縣愧多病無可及民行且引去則爲靖江縣志俾後欲知夫邑之城宇官職丁賦學校兵戎食貨土疆名士者庶其有徵也

主修 知縣 殷雲霄

王志序 正德九年

太僕卿 都 穆 蘇州人

今之郡縣率皆有志然往往敘事無法求其精當備

嚴如古之志者百不一二夫郡縣之在天下雖僻處

一隅未必無可書者靖江縣在揚子江中其設縣迄今四十餘年而戶口田賦民風土物不減劇縣第未有爲之志者前令惠陽唐君汝立始有志修纂書將就緒以遷去不果正德癸酉西安王君廷瞻來令于茲越二年令行禁止民用以和謂縣之無志爲缺典也乃以舊稟取裁于予壽之于木是志也雖未知其果合於古而辭少事詳所謂精當簡嚴者或庶幾乎

主修 知縣 王棨霄 纂修 太僕卿 穆

靖江縣志 舊序

卷首

二

王志序 嘉靖四十四年

知縣 王叔杲

環靖皆江也夾維揚毘陵間有洲隆起名馬馱沙橫可百里從三之一土阜物繁居然沃壤也歷朝沿革一或北屬秦興或南屬江陰若建縣則自成化辛卯始迄今且百年矣故未有志前令周唐二君蓋嘗志之咸未及成書以去逮西安王君而志乃成然亦畧矣嘉靖癸亥予承乏是邑登孤山之巔俯中流之勝而四境式廓萬井密比罔有遺視思以順土宜采民風而故順之猶有遺集也慨然興懷焉夫釋老之



廬異教也水石之奇物玩也而修詞之上猶欣然載筆矧茲靖畿甸之上游江防之雄鎮也往跡匪志則弗章來代匪志則罔詔治與時宜政由俗遷而變革興墜於百年之內有不可勝書者矣然以典故則貴諸諸莫踰乎土著以剛述則尙公公必推乎耆德故舉而屬之近齋朱先生先生爲之稽吏屬詢故老搜逸事披荒碑踰年告成而予業調常熟尹矣代予者爲仁和柴君圖梓之以稿來示且徵言爲序噫靖前此僅一渚耳幸際聖朝特陟爲縣張官設教與三吳靖江縣志

卷首

舊序

三

諸邑並入職方豈讀其志則又彬彬然文物聲華既已脫冕叢魚薄之陋而躋神州望縣之列矣是志也詎非靖之所藉以爲重者乎乃今更數君之手歷數十年之久而始克成編抑亦有待于其人耶顧予實始厥事則序言有不得辭者于是原邑之建置與志之纂述以復于柴君并以質于朱先生

刻王志序

知縣 張秉鐸

聖天子立極初載秉鐸自淮揚奉檄入毘陵渡江而北則見夫菑畬萬井烟樹千村枕水曲而入懷孤峯

挺而獨立因嘆曰美哉其壤之沃乎既而入境則見夫雉堞連綿茅茨弗剪事耕藝而不以爲勞竊嬉遊而不以爲簡復嘆曰厚哉其唐之遺風乎既而謁文廟登明倫堂與諸士相揖讓則見夫器菴珪璋道門禮樂如鳳雛在殿玉樹臨風嘆曰郁哉其海濱之鄉魯乎然因地而增其勝因俗而宏其化因人文而雕琢其成又守土者之責予將何以彰之適近齋朱先生以縣志示予予喜曰所可以謝山川而紀文物者不有在於茲乎於是乃以拱壁寶之又口求益於諸

卷首

舊序

四

人士使各售其所知以共成夫信史於是整理悉準諸禹貢法制悉憲諸周官人物則闡忠孝而表隱逸藝文則重制命而追風雅褒貶則竊春秋之大義紀載則躡班馬之緒餘蓋近齋以數十年陽明之學而思以垂之於不朽又以陽谷王君也愚柴君吉齋張君相繼蒞於茲土其相與究心於是者殆若昌黎之考證於韶郡紫陽之首問於建康則其足信而足傳者有不待予之獻其愚而及人士之別有所售也故予既謀緩諸梓不揣復爲之序然猶有所懼焉夫一

心之中和實位育之所從致而一命之士又民生休戚風俗清濁之所由繫故守土得人則疆理可治雞犬可安紀綱法度日登諸理所以爲山川之光人文之賁者志亦可書名亦不辱或不能有所樹立而于民物一無所補則山崩水溢之患民窮盜起之虞又靖邑之所易危者于山川人物不惟重有餘愧致後人書之且指而輦蹙曰此某也某也某地人也而今安在哉鐸不敏而躡于陽谷三君子之後不知得以守其繩規而賴以寡過矣乎語曰舊令尹之政必以靖江縣志

卷首

舊序

五

告新令尹子因序而重有所望云

原修縣知王叔杲

續修縣知張秉鐸纂修邑人朱得之

馬馱沙小志序萬曆二十年

萬公李維禎

馬馱沙者何今靖江縣也其始隸江陰至成化而後割置縣易今名云稱馬馱者何大江中割百里之洲隆起若負岡出河者又饒廣薦草莽吳時牧馬其中謂之驥渚志者何毘陵王文學百穀與邑人朱光祿在明也山川封城郭宮室土田貢賦災祥諸俗官

司文獻爛焉盈掌矣然則何以稱小志都太僕元敬初志之朱桐廬得之更志之皆不相倣襲若揚已而翹人過者故嫌之嫌之故別之別之故小之也蓋今之爲志者地無可有則見以爲小而擯名勝之迹以自高事無可書則見以爲陋而騁浮蔓之辭以示文諛聞則毛舉細故信耳于道路之口而不可爲訓淺中則藉手于字鉞句袞以行其愛憎而滿譏誣人是志也詳畧有度中于情實揚圻褒刺與風其之時出秀語妍婉可餐忠于桐廬氏矣卽太僕而在倘亦有靖江縣志

卷首

舊序

六

起予之嘆乎

萬公王釋登

余與朱君在明善間歲一渡江買汚邪一頃在沙中種菽藝麻卒歲也當壬午之季以波臣之不靖嗚隰善崩躬負畚而築之客朱家者二旬與其遂人田墾老農婦子相餽篋望景觀卜察宜考風靖之俗益得十二焉或卮言以詭在明則愕眙曰不腆做邑之虛實客何悉之深與而曷不以志曰是子大夫之事也客則笑敢然則子曷不以志朱君曰是邑大夫之事

也僕則奚敢而後出其諸父桐廬公志示余余曰豈  
哉而其失也蕪最後出故吳人都太僕舊志示余余  
曰簡哉而其失也畧畧故淺淺則疎而不該蕪故穢  
穢則冗而無紀然而甯簡無磨甯畧無蕪甯淺無穢  
甯疏無冗甯不該無無紀太僕其庶幾乎乃削履疏  
其一二摺摭附麗忽而滿案非敢考二君之瑕抑亦  
咳唾之餘耳朱君不俾覆瓿登之薄覽題其首曰小  
志云

主修邑朱正初 纂修寓公王穉登

靖江縣志

卷首

舊序

七

朱志序

御史 李日宣

余詳渾天圖錄震旦國中十洲三島皆水中靈氣所  
聚往往有至人神異其間而具咫尺觀者咤其光怪  
莫可端倪遂附麗其事謬傳之爲仙爲神亦大惑也  
矣余謂天一生水五德之中最先孕靈凡天下之屹  
于海峙于河峙于江者無非坎中光明藏人實多異  
曷尼異焉常之靖江揚子江中一清也漢以前不經  
見相傳吳赤烏間有馬馱沙入江之祥洲遂隆靈而  
起此一鰲立四極之說非說即寓耳乃江自岷山東

注直達海口倭焉界地紀爲二夾維揚毘陵間尋復  
縱橫盤結百里一區以衡其威賾造化射注應有巨  
靈把柄于中吸長江滲液之精而又綴以孤浮諸山  
參差拱衛若雄獅之怒于時寶筏之絡于嶼種種奇  
構真令人按圖動色望而知爲麟郊鳳阿驥野駿圖  
靈傑所鍾豈偶然乎靖有志故邑近齊朱氏所修今  
吾豐邑侯月航朱公復謀加撰者公毘陵名儒深于  
道德性命之學秀才時卽思任天下其于邑若名山  
大川以迄分野貢土皇風民俗物產地宜莫不極其  
靖江縣志

卷首

舊序

八

考核胸次所羅未可涯際故爲靖志井井整整無煩  
無簡辨疆域則元圭敷土禹貢之奧也述憲章則冬  
官考工周禮之核也選勝蹟而列星紀則子長八書  
之遺孟堅十志之雄也真一代信史哉顧余熟公之  
志知公所自與者不在是也公之志蓋有春秋杜陵  
之思焉靖雖望去砂磧榛莽未遠公欲力存其質以  
防其末每持一議匠一辭輒深江流不轉之恩而會  
歸于風教之微孝弟忠信以強其幹詩書禮樂以韻  
其風尊仁尚義獎恬於節重農桑飭浮薄以鍊其神

而滋其氣庶幾日游桃源仇池之天情其俗于遷善而不知上以鐸聖教下以翼良牧志之所造不已遠乎于是為之序曰余觀于靖志而知一道同風係乎人也計有靖百餘年耳其間理學功勳孝義節烈隱逸之流煌煌簡冊史不勝書若劉光祿之忤逆瑾兩遠不屈劉太宰之拂權相一揮乞還朱本思掛冠而尋姚江之盟祁時鳴探囊以絕長物之蓄孔永芝割股愈父陳善卿出婦養母顧學淵之卻衣惟鳴琴嘯詩江處女之遇賊竟奪刃投淵但試取一段質之古

靖江縣志

卷首 舊序

九

人中皆足震一時而名千秋地以人靈信乎余且考其建置之初首先樹學遂使人知先道德而後功利則將來名世大業固有不盡于簡編所載記者若夫長江浩蕩從數千里外電迅箭疾以歸于海而靖嘒處其衝盡受奔流激湍之貢靈異之氣誠有所待余于公不無厚望矣靖人士其能志公所志又何必問

主修人 未得之 續修人 朱家楫

知縣 趙應旗

趙志序 萬曆四十七年

夫邑志之來舊矣江文通以為修史之難無出于志蓋執志可以治天下非苟而已也靖江一彈丸地襟吳帶越實宿江海之口洪濤拍天孤懸四絕即又為金陵鎮鎮之門戶淮海雜揚此實扼其要衝宜其地雖曠穰形勝參乎上游也邑故未有志近齊朱先生留心文獻始擴拾成帙永嘉王君叔臬實肇修之繼築於也愚柴公喬終于蒲陽張君秉鐸自隆慶已已訖于今又浸尋五十年所矣其間生齒之盈蠲國計之虛實風俗之消澆遞代變遷志民瘼者能忽然不加之意乎歲甲寅春暮余自南州來莅是邦嘗備屬惟簿書期會是懼邑雖如斗大乎而與民相摩相漸于冲和靜穆之中惟一二大猾思披產以懲之刑清事簡調單父之琴與潮聲清徹相應吏散鴉啼惟朝夕手一編草米顛書數幀而已惟是邇年風潮不驚荏苒之下呼庚癸者稍息于是邑之精神率父老進于庭而告曰不腆邑志久屬漫漶靡者宜芟缺者宜補人文之繼起者宜增潤意者憲章鴻業我侯慨然從事乎乃與鄉之先達朱君家楫劉君文斌邑之耆

靖江縣志

卷首 舊序

十

髦揚推而上下之凡疆域分野職官科貢都為纂集而至于田賦戶口貞夫節婦尤加意經畫曲為表章褒者無虛美貶者無隱惡不偏任乎亭父里魁之言不濫飾乎擊輓浮夸之語袞鉞森然法戒具備其亦可以為靖江之信史乎志方成余將入覲薦紳大老以余嘗董其事相與遮道而問序于余遂汗漫數言而勒之馬首異日余報政之後隸職他方或者破長風問月孤山之上雞犬桑麻恍入武陵桃源舊境則此志也余且附永嘉諸君子後托不朽之業矣顧三靖江縣志 卷首 舊序 七

吳歲賦當天下強半靖瘠而介在其間征繕殷繁觀余令時更甚第幸有劉君九霞可商舊政凡郵其困而甦其役著為式以補志所未逮使閭閻永有保聚

簪組輩出曠百世而懿稱望國以雁行中吳諸劇邑也余願其倍慰

主修 知縣 趙應旗 纂脩 邑人 朱家楫 邑人 劉文斌 陳志序 崇禎十四年 知縣 陳函輝

築刑政之屬志所權輿志者具史之體而徵者也郡縣不得廢志猶國不得廢史武侯相蜀不置史官君子遂有杞宋無徵之恨若我靖江故非縣縣之自成化辛卯始蓋新造之區也以故無志志之自嘉靖甲子始凡物新者汚染常淺靖版籍未故方之漸之漬之之俗即民志未始弗新也而新者又易受汚此其責在新民者焉善乎周人之新民也以故之之道新之也嘗讀周書部而邠條渡漆沮邑岐下而豐條而邠已條而營洛邑汲汲然若無故土可棲何其新之靖江縣志 卷首 舊序 七

倖遠自大鯨既就毅然至今漁人之網未敢安集于  
澄潭之下也所幸某屬形家相度河渠廣濬氣脉融  
通弓旌之士應運而興者視昔倍增文教武功觀政  
一旦靖之爲靖則更新而地則更重不可謂非江淮  
間一名邑也載籍困陋不亟圖所以更張而增益其  
未備可乎譬之人鬚眉具而成人鬚眉無所用于人  
之面目而一未具則不成其爲面目載籍備而成邑  
載籍無所用于人之城社而一未備則不成其爲城  
社故某重直是志以述者之事體作者之心以條理  
靖江縣志 卷首 舊序 三

山而眺景物大塊之有靖一滄海浮漚耳浮漚之中  
物力奚若比者海內脊脊多事靖之田賦亦幾視通  
都大邑與日俱增而又旱魃頻仍蜚鴻滿野人不聊  
生民且難乎其爲新矣安得還天下于仁壽之域如  
漢文賜民田租之半而還吾靖以新造之年民庶幾  
有瘳乎某不佞匪止在靖謀靖推而放諸四海而準  
不可知也是役也以釋前輩大參孫公同倫郡司馬  
范公世楨之請而謀屬草始其事者澄江徐子仲昭  
雲間許子令則而終其事者四明薛子似先生朝夕  
靖江縣志 卷首 舊序 古

而樂親厥成者也例得書  
續序  
修志于靖而其台先有不可解者七夫左遷班聯之  
牒皆斷自唐虞而靖邑方建于成化七年卽一代已  
非全史矣此其一昔之長馬馱巡簡司耳今儼然令  
矣而其卑殆有甚焉其民則質質然如故也此其二

蛋人之君讀在島外會盟不列于邾莒人輒培崇明而並稱且曰是夜即王而扶餘國主也何以說也此其三浮山一拳也孤山一碣也而今且半爲陸矣長江浩浩數萬里發源于岷而實自崑崙以外大小殊不稱山川將安考實乎此其四令雖小勅之以文林郎官不上應列宿乎而城隍猶社伯也封典缺然則祠廟爲之不光此其五往者附庸之黑子也國書已寥寥而登又欲中分之卽藝文一編豈可盡搜斷簡此其六大川天所塹也自應隸于江北而動于江以靖江縣志 卷首 舊序 五

崇比也客曰如君言則靖宜有志久矣而聞是志築于嘉靖之中葉而脫于萬曆之末季今先生爲詞壇小白又安所多讓哉陳子曰不然輝少而失學未嫻于邱索董倚之書管筆非令權也請以謀諸野者獲而輝于簡未姑序所自起焉使後人知邑君一片苦心與荒洲一二逸事足矣客曰有說乎陳子曰有之夫江南所以薄島外者謂其繁華勝儉齋也嗟乎繁者之終虞耗札華者之漸落奢淫天下事已見其光矣不有樸塞一隅挺然自固于風氣之表者乎則何靖江縣志 卷首 舊序 其

何客曰靖無人焉而昔既立之監今又佐之史是其  
修教修備之權盡在吾子矣陳子愀然曰客惡知靖  
之所以難治乎先此吏靖者草昧之初百度未舉凋  
敝之後六事莫支宦之途指爲蠶叢鳥道以靖塞官  
誘一歲或三覩之而遞及陳子陳子始下車復有才  
陳子者數下尺檄議改而之他而陳子固久持老膽  
知足之戒守汲黯臥理之說安陽城下考之分則語  
人曰十步無豐草乎三戶無俊民乎七年旱而九年  
辰無補天石乎而陳子雪涕述道州之咏願以告上  
靖江縣志 卷首 舊序 七  
官剖肝繪監門之圖願以告我后無何而陳子憫矣  
鴻雁嗷嗷乎近郊也無何而陳子懼矣狐鼠乘間而  
窟伏也無何而陳子豈不日戒矣鱸未徙而鯨且跋  
扈至也無何而陳子傷謗書矣鶴鶴盡見于其側也  
無何而陳子困二豎子矣服闋閉止坐隅也無何而  
陳子死而放還矣大鳥欲來會葬也夫陳子于靖如  
此而又烏能志靖所以難治之故乎客曰志成矣君  
不言誰知之者陳子曰苟言之則如東方生上書王  
武子爭功非自嘲卽自譽雖然請言其凡也夫江而

何以獨稱靖也詩曰肆其靖之曰靖其爾位書曰以  
嘉靖我邦國靖之義由于與民安靖靖一方以靖四  
方也故曰自靖自獻于先王此葦爾者靖子觀其蚩  
蚩食土其青青食古而獨共耽耽者乃欲搏而食人  
陳子于是知所以治靖矣試一一陳而客聽之向圖  
總紛而入矣自條鞭法立而石壕不敢上下爲奸邑  
于是乎始有甕庫向捕役紛而出矣自游徼法立而  
虎冠不敢剽噬四出邑于是乎始有雞犬向豪右紛  
而多事矣自大量法立而列戟籍阡不敢復爲併吞  
靖江縣志 卷首 舊序 六  
邑于是乎始有疆理猶未也四絕之變爲四封也不  
可忘夙備也爲之列營伍爲之畫溝壘股栗者皆援  
弧而先登焉邑于是乎始有扞陬猶未也靖澤國也  
七十二勝之舊形宛然如昨而鞠爲茂草已乎歲乃  
凶陳子始之而終之率情農鍾而餽飢農以筐湯湯  
洋洋布帆如繡將八十里焉平土可舟而漁矣邑于  
是乎始有水庸猶未也白氏之渠可聽其洩而無滯  
乎小支闢入而潮汐入而壩之則立爲淤鹵自平山  
而來如隄時捐俸鑿設石而門之者二而旱與潦兩



無恐矣枯槁之聲盈野其微乎邑于是乎始有版築  
猶未也輦輅遠矣梁木其萎阜廡不能蔽風雨馬洲  
故有書院其遺址皆墟矣陳子用形家言離光在巽  
巽峯在郭其敢以草莽告成邑于是乎始有閭泮猶  
未也江海滙而人文發皇此天意也鼓鐘有新馨乎  
陳子憶當年讀書起自壁立而有人曰此中三十年  
淹矣何薄待我天下士陳子至則禱于廟爲之廣歲  
科額爲之拓弟子員朝肄業于程馬之堂而夕衡文  
于射鵰之圃怒蛙可式也駿骨可市也應夢焉丙巳  
靖江縣志 卷首 舊序 九

而勒之石者平給而發之八字經不獨革其名備設  
之上司歲易即官亦疲于奔命矣爲按簿而代以田  
者公儲私用之一歲租不獨賴其實更可笑者靖人  
言蝗恭之以祠祭也捕蝗之務殫自陳子履畝必躬  
始也靖人之秋成奉之以販糶也蓋藏之有收自陳  
子徒木立信始也若夫一方虞芮之質勸之使有闕  
田兩界梁楚之爭禁之使無怒輟養老于四民之中  
恤其無告放生一牛之故推及有知此皆令所應盡  
之心應修之職而以黜綴靖之新書其可曰此令一  
靖江縣志 卷首 舊序 十

docsriver 文川网  
入驻商家 古籍书城

在文川网搜索古籍书城 获取更多电子书

而已矣記自丙子迄辛巳六載以來嘔血剜肉之一寸心不可不以一詞告之大眾併以告大江與先民焉而陳子又多言也矣其併以告後來之君子也夫

主修知縣陳函輝

纂修萬徐遵湯萬許經萬薛嗣

鄭志序國朝康熙十一年

別縣鄭重

郡縣之有志猶國之有史也史必斷自三代而後一朝之損益以成志必溯其沿革而後一方之風俗以正獨靖之為邑則聚靈于水肇基于馬馱沙歷若干年而成牧地又歷若干年而成村墟至明之中葉始靖江縣志

卷首 舊序

三

建為邑求之一代且無全史足徵又安有沿革之圖籍可考哉雖然三代以前南服之版圖不隸于職方及禹之治水功成而揚州賦遂備載于禹貢一書乃知積沙成壤則壤定賦即方隅片土皆采風者之所不遺也靖建于明成化七年時雖兩沙連合而環邑四面猶皆水也草昧初開法制未備令于茲者特蛋人之長耳烏從而志之幸而南屬岷陵與江陰對峙屹然夾長江開籌書期會日以繁文物聲教日以盛不數年遂隱然一東諸侯矣又幸而相繼合茲土者

皆賢邑宰也或如陽城以撫字書者有之或如吳公以興學書者有之或如龔遂以種樹書者有之或如召信臣以溉田書者有之治與時宜政由俗遷興革建置于百年之中者人不一事事不一書而志于是作焉乃歷數合而始成帙然猶屬草創也逮崇禎辛

巳寒山陳公復加訂而重修之稽覈精詳搜訪無遺志之書法于是乎備矣寒山以名進士抱琴適茲土以不足以展驥足者余考其為功于靖著諸志而最繫人之去思者莫如開團河與建石關諸舉說者謂靖江縣志

卷首 舊序

三

靖固誕靈于水而善治茲土以昭垂邑乘者亦以興水利為首務良有以也聖朝定鼎以來人文蔚起擁沙廣闊向之四面環江今者且漲連皋泰矣兩邑之水不得達江與靖民構虞芮之爭者數十年不能決是鄰壑未導而水庸猶莫興也余下車以來凡邑之所當興除前之人因循而弗克舉者無不博訪而次第力行之適有以淮揚水患紆

朝廷之慮者余得奉檄開河與兩邑履畝經營相度

支幹計開濬五港導兩邑之水以達于江靖人界田  
兩邑界方乎來勸勉以鑿鑿鼓不數旬而五河告成  
幹者注之江支者麗于田蓄洩之宜三邑賴之靖之  
水利不誠大哉水利興而田疇易矣桔槔在野而絃  
誦在戶矣江山滙靈人文秀發天其有意造靖乎獨  
是鼎革以來流風善政逸事遺文于前志之所未纂  
者付之荒碑斷碣中恐非采風者意也余因取前志  
而增修之以稽核質之鄉先生以參訂寄之學博士  
星野山川城社則因舊賦役風俗營建則因時官師  
靖江縣志 卷首 舊序 五

知縣 胡必蕃

先王疆理天下由京畿而藩服必建邑設官以居民  
雖地有大小山川形勝物產風俗各不同然莫非教  
養之政所概施者也

大清定鼎率土歸王重譯入貢輿圖之廣自開闢以  
來未有康熙癸丑元臣請纂修一統志以備載鴻猷  
下其議于廷僉曰可臣 必蕃 適待罪山右蒲邑業已  
修蒲志矣今補任靖江則又修靖志第查靖由二國  
東吳時有白馬馱沙之祥至勝國成化七年建邑距  
今二百餘載自建邑而創為志者有人有志而增修  
靖江縣志 卷首 舊序 五  
之且遺修之又有人追我

朝鼎興之後田疇日闢水利日興人文日益盛向猶  
四面環江今則漲連泉泰接脉維揚屹然為江濱砥  
柱而徭役供應之繁竟與上邑等至康熙十年增修  
靖志者則前令臣鄭重也其分野山川形勝置制徭  
賦戶口人文風俗物產水利圖繪而條析之詳矣自  
康熙十一年至今雖官師人物賦稅建置不無稍有  
沿革然歲月無多畧加增補而編于前志各條之後  
亦足以備纂修之採擇也但靖肇基于水而邑人惟

水是利卽吏茲土者率以能治水得賢聲故修志者  
亦必丁水利加詳焉臣必蕃甫下車卽議濬湖河適  
是歲淫潦江以南田疇盡没于巨浸獨靖賴是得不  
致成災然亦一時之利耳蓋靖與阜泰南北分界靖  
地窪下而泰阜之勢高一遇洪潦引江淮之水建瓴  
而下則靖爲鄰壑而魚上于田矣必合利開挑界河  
深濶如式俾三邑之水分流于東西而中通靖邑之  
五港度其地從北而至南者力排眾議而疎導之開  
實地而達乎大江斯靖之水利大興然非假之歲月

靖江縣志

卷首

舊序

三

而絕豪強之阻撓遂欲告厥成功難矣姑衷其說而  
善于後且爲後之吏茲土必先亟水利者告也

續修靖江縣志序

康熙二十二年

邑人

朱鳳台

周官外史掌四方之志夫志卽史也國無史無以志  
國故郡不志弗郡邑不志弗邑以不備爲弗郡弗邑  
也然則載備矣以是足爲志與曰是事也所謂跡  
出于履而跡非履之說也有進于是者傳其事並其  
事之情莫能遁焉有事情因而有好惡因而有勸沮  
而消長沿流是乎在意者其在斯乎曰是得其八

九而非其竅也竅會何常特視其所急而已吾靖隸  
毘陵而版章獨附于江外向也猶孤懸中流近且西  
北連泰與東北接如阜矣居民全憑引江流以灌溉  
如關河之役不舉則潮汐且過而不入而靖之憂在  
旱將田非吾田也泰之壤高而靖窪每霖雨泛濫泰  
人輒以靖爲壑使通江之渠不鑿則洪流且建瓴而  
下而靖之憂在澇田雖吾田而非吾田也且也土田  
日益廣而小民終歲力耕不足以供上其可憂在財  
賦先王之澤未衰歇而人心不古舉動鮮見其滄靡

靖江縣志

卷首

舊序

三

其可憂在教化而風俗尤可慮也往者俗猶尙儉而  
今習侈浸淫而至于習僭往者俗猶存樸而今尙巧  
浸淫而至于尙僞往者俗猶畏事而今喜事浸淫而  
至于喜訟輾轉相傾又浸至易以居喪勇于佞佛而  
忘哀棄禮是皆多事以靡于侈而澆之類也台自童  
卯及今所歷僅四十餘年而時事已日異而月有不  
同有世道民生之慮者不從此力挽而砥柱之吾未  
知其所稅駕也故曰有竅會焉竅會所在視其所急  
而加之意俾齊民知所以力作學士大夫知所以勵

行而人心風俗一返于滄古之治是誠吾靖之大幸也如曰紀錄見聞以備掌故而巳則猶是邑也而又何以志爲哉

原修知縣鄭重 纂修教諭袁元

續修知縣胡必蕃 纂修萬金 敝人朱鳳台

新志稿序 知縣牛兆奎

邑志與國史攸別史于善惡無不書志則紀善不紀惡正惟有善斯紀而碌碌者無所表見則必深自鍊礪以求紙上之名其所關乎警勸豈淺鮮哉靖邑建於前明成化辛卯志始于嘉靖甲子終明之世一修再修皆出名手

靖江縣志 卷首 舊序 三

國朝康熙己酉前令鄭君重與學博袁君元損益成編越數年而胡君必蕃增補數事獨于水利加詳是亦當務之急也迄今百二十年瘠土日以腴生齒日以繁人文日以盛吏治澄而軍政密邑無鷄鳴狗吠之驚也久矣惟是江介埒多而漲少土風由儉而入奢不無今昔之異紀實之書其容緩乎靖地絕少名山之藏又乏公府之贖網羅舊聞擇其尤雅固非審

慎焉不可然而謀同策舍者公私之見各存愛憎之情互見偶涉簡畧則索米丁氏之謗隨之稍涉褒揚則受金爾朱之毀及之秉筆者抑難其人去歲春杪奉承乏馬沙奉郡憲檄飭修輯稔知前令畢公所密

纂志草未成因與邑丞吳君壽康巡司吳君兆坤尉常君汝梅大集紳士議焉秋杪設局冬仲開纂凡八閱月而屬稿粗定爲卷二十有八尙期刮垢磨光付諸梨棗復于郡憲雖不敢自謂有當于警勸之義然亦闕疑慎餘使百二十年湮沒不彰之事森然在目靖江縣志 卷首 舊序 天

凡夫民隱所關藉以考鏡得失則又吏治之指南云主修知縣畢所密 接修知縣牛兆奎 纂修教諭顧鴻志 考前明宏治十八年知縣周奇健創爲志正德七年知縣唐勳殷雲霄繼之九年知縣王榮香刊板嘉靖四十三年知縣王叔果始修縣志隆慶三年知縣張秉鐸繼之邑人朱得之爲總纂萬曆二十二年邑人朱正初修名馬馱沙小志四十七年知縣趙應旗修邑人朱家指出其纂志稿與邑人劉文斌佐成之崇禎十四年知縣陳忠節函俾修

國朝康熙十一年知縣鄭重修二十二年知縣胡必蕃續增寓公金敵爲總纂邑人朱鳳台捐貲以刊乾隆五十六年知縣畢所密修五十七年知縣牛兆奎接修教諭顧鴻志爲總纂卽新志稿後任教諭白尙質具良史才惜未經其筆削各舊志久佚存者惟陳鄭二志及新志稿卷首併錄舊志各序示不忘本也

編輯志稿 咸豐七年

知縣 于作新

余北海士也歲丁巳三月來署靖篆詢掌故以志事靖江縣志 卷首 舊序 三

知傑閣所度者爲建甯鄭少宰令靖時舊簡其於明令陳忠節遺志剛十之一二二百年來盡蠹穿嚼殆盡矣近有惠民李君送郡抄本乃乾隆五十七年大興牛君續修志稿也嘗奉郡太守簽出稿內各條另頒體例門類札令更正重修易數令而遷延不果余披覽及此瞿然以興植有軍需事宜郡太守平公委前令齊君協余勸捐而觀察使喬公等餉及於洲田復檄諸委員來靖會議盜田補償換單繳費以充軍需余偕諸委員督丈奔走於酷日中兼之案牘

紛繁審斷無虛晷鈔槩之事未遑也未幾潘祀泉茂才以所纂靖江縣志稿送署揭其卷者十六列其目者六十悉本郡頒條例更正抄稿成書大要補陳忠節遺志居多考忠節居官六載其善政裨於國計民生者不勝記去任後明社邱墟而忠節當故主之播遷抱孤臣之慟哭故能捐軀報國竹帛千秋時邑中亦有忠臣義士孝子悌弟與夫貞烈婦女接踵而起或舍生於異地或殉難於故鄉非感沐忠節之教澤而能若是乎夫忠節有功德于靖不必以文章傳而靖江縣志 卷首 舊序 三

又序

邑人 潘 泉

己亥之歲郡太守延舊史李申耆先生續修常州府志檢各屬先修縣志以資彙輯時山左李侯署邑篆命抄前令牛侯纂修縣志稿本各條稍有續增蓋印

而送于郡吾友朱君質齋有七世伯祖給諫公八世  
 叔祖北流公父子殉難粵西志稿人物傳雖列于仕  
 蹟列于儒林與史家忠義條例不合且遺其八世族  
 祖朝紳殉乙酉年 大兵之難以泉撰靖江忠義錄  
 陳郡太守札令此錄增入尚列忠義臣民之傳又有  
 亾友陳君闔陽赴郡上書太守批閱稿本尙有須增  
 補刪改之處爲之逐一簽出另頒體例門類飭總纂  
 鄭襄卿夫子與亾友劉君尊卿隨條更正是年冬姚  
 侯延請紳士重纂邑志泉亦在與修之列嘗聞總纂  
 靖江縣志 卷首 舊序 三  
 有言此次宜採明末陳忠節公舊志經鄭志及新志  
 稿刪去者復有以補輯之重其文益思其人也庚子  
 歲更令長者三辛丑壬寅間楊侯有防夷之役修志  
 遂不果癸卯襄卿夫子司教泰興卒于任逾十年而  
 尊卿亦赴道山遺事罕有知者泉且老值江南諸郡  
 被兵震驚叢爾邑恐有亂離之患文獻散佚無徵乃  
 更正志稿簽出各條以備刪陳志尊卿少子孫舟孝  
 廉復出江陰縣志相參證謹遵郡頒體例門類纂成  
 十六卷內人物志三卷請刪潤於鄭墨卿世叔以其

博學也名之曰靖江縣志稿雖工巨不能付剞劂幸  
 同志諸友生助泉有蒐討功勳集捐費召匠以聚  
 版印若干部俾後之人得覽觀焉

靖江縣志 卷首 舊序 三



靖江縣志修輯姓氏

主修	知縣	侯官	葉滋森
協修	教諭	丹徒	丁立中
	訓導	吳縣	蔣清泰
經修	候選鹽運副使	附貢	劉人鏡
	湖北陞用同知前任荊州府通判	處貢	盛探驪
	候選	知縣	附貢
	前任震澤訓導	廩貢	朱永慶
	候選	布經	歷附貢
			盛導駒
止纂	選授蕭縣教諭	恩貢	褚翔
副纂		恩貢	方玉振
		廩監	陳德奎
分纂		廩生	鄭序棠
		廩生	陳聲
校錄		廩生	鄭庚梅
		廩貢	楊佐垣
		廩生	姚序鏞
附		附貢	劉清授

靖江縣志

卷首

修輯姓氏

一

校刊

附	生	朱樹業
舉	人	褚石麟
附	生	盛保麟
附	貢	劉榮
附	貢	朱慶祺
附	貢	王文梓
附	生	劉相
附	貢	朱繩祖

靖江縣志

卷首

修輯姓氏

二


# 靖江縣境全圖




靖江縣志圖 卷首圖  
 與地圖



靖江縣志圖 卷首圖  
 縣城圖







學宮圖

靖江縣志圖

卷首圖

三




蘇公廟圖


靖江縣志圖

卷首圖

四



射圃



光緒五年歲次  
已卯仲夏下浣

馬洲鹿瑞親鈔

靖江縣志卷一

皇仁恭紀

昔漢帝賜除租賦唐宗賑恤飢民史冊美之

靖自前明以來拯乏蠲通屢蒙優恤迨

國朝愷澤覃敷更有加無已至軍民自七十以上

均資子有差養老引年之典備焉因并輯錄

恭紀

皇仁

蠲恤

靖江縣志

卷一

蠲恤

明宣德四年旱災免田租

九年水災免田租

景泰五年詔有司賑恤

春雪夏水之災

六年巡按御史楊貢以旱災題免秋租

天順四年水災免田租之半

八年水災免田租有差

成化七年水災減田租

十八年春賑濟

以十七年夏旱秋潮

是年秋復以旱災減田租

二十一年旱災減田租

二十三年旱災大赦

宏治元年水災詔寬恤

五年水災赦

十六年詔減租發賑

夏旱秋潮冬雪之災

正德元年旱災減租

五年水災詔撫院等官存恤蠲免本年正額并各項

錢糧

七年水災赦

九年詔免田租

夏旱秋潮之災

靖江縣志

卷一

蠲恤

二

嘉靖元年水災發帑銀二萬兩存恤仍免田租

二十五年旱災免田租及二十三年未完錢糧

隆慶三年水災賑恤免米三萬九千五百五十三石

有奇起運銀改折三萬六千七百五十兩

萬曆十一年以十年水災免徵米一萬九千八十石

有奇

十五年水災詔米改折銀一千五十九兩有奇停徵

折色銀二萬八千五百二十五兩有奇

十六年旱災發存留地方關稅等銀五百五十兩賑

濟

十七年以民飢值大疫免本色米五千六百四十石

有奇折色銀三千三百八十三兩有奇又停徵銀

四百八十兩有奇遣戶科給事中楊文舉發太僕

寺馬價并南戶部銀一千七百十兩賑濟

二十三年水災免徵銀八千八兩有奇

二十四年水災免徵銀一百八十六兩有奇

二十六年水災免徵銀一百五十四兩有奇

二十九年水災免徵銀一百七十八兩有奇

靖江縣志

卷一

通志

三

三十六年水災詔巡撫周孔教發銀一千五百兩撥

縣賑濟免米三萬一千一百七十一石有奇銀五

萬四千五百十四兩有奇又兩院檄借府庫銀三

千兩令知縣買米行平糶法

崇禎六年水災蠲賑有差

國朝順治元年免本年稅糧十分之七兵餉十分之

四其明末無藝之徵盡予除之

十一年水災免本年秋糧三分之一

康熙四年免順治十八年以前舊欠錢糧

六年免元二三年以前地丁錢糧

十年免六年以前地丁錢糧

十八年奉

旨江南財賦繁多舊欠無徵錢糧再行徵比恐累小

民其十二年以前錢糧俱著蠲免十三年以後至

十六年止俱自十九年起分十年帶徵以紓民力

二十年奉

旨蘇松常三府坍缺板荒田地賠糧自七年為始一

應蠲免又奉

靖江縣志

卷一

通志

四

旨兵革寢息人民又安十七年以前民欠地丁錢糧

概行蠲免

二十三年奉

旨江南等省用兵以來供應繁苦宜加恩錫康熙二

十四年清糧著免三分之一又自十三年起至二

十二年止欠清項錢糧自二十三年為始每年帶

徵一年以蘇並徵之累

二十六年免江蘇所屬各郡縣二十七年地丁并二

十六年未完錢糧

docsriver 文川网  
入驻商家 古籍书城

在文川网搜索古籍书城 获取更多电子书

二十七年免十七年以前未完清項銀米

二十八年免積年地丁屯糧蘆課米麥雜稅

三十年輪免江蘇清米一半

四十年奉

旨江蘇所屬除清項外其四十一年地丁錢糧概行

蠲免

四十五年奉

旨四十二年以前未完地丁銀米俱著蠲免其舊欠

已完在官而本年錢糧未足者准扣抵

靖江縣志

卷一 河漕

五

四十六年免未完清項錢糧米麥

四十九年奉

旨江南舊欠四十七年以前未完地丁錢糧於五十

年起分四年帶徵四十七年清項錢糧於五十二

年帶徵

五十一年奉

旨江南全省除清項外五十二年應徵地畝人丁銀

俱著察明全免其歷年舊欠并免徵

雍正六年免康熙十一年至五十年未完地丁等銀

十年奉

旨江蘇所屬官侵吏蝕包攤錢糧分爲十年帶徵實

在民欠更緩作二十年帶徵自本年爲始即以帶

徵完納之分數爲次年蠲免之分數

十三年

高宗登極恩詔各省民欠錢糧係十年以上者該部

查明具奏豁免又奉

旨雍正十二年以前各省錢糧實在民欠者一併寬

免又清查積欠錢糧內有官侵吏蝕亦照民欠例

靖江縣志

卷一 蠲恤

六

寬免又准副都御史陳世倌奏凡蠲免錢糧耗羨

銀亦准豁免又奉

旨准果親王奏江南等省清項蘆課及學租雜稅等

銀俱著豁免

乾隆十年免十一年直省錢糧

二十一年以二十年災賑留清發賑是夏大疫

詔設醫藥局

三十二年輪免江蘇清米

三十六年輪免江蘇錢糧



四十三年輪免江蘇錢糧

四十六年輪免江蘇常州府漕糧復以水災賑恤有

差

五十五年奉

旨本年各省應徵錢糧按年輪蠲於五十六年為始分作三次按年輪

免每年免三分之一

五十九年奉

旨六十年各省應徵錢糧著再加恩分年輪免於乾隆六十年為始第

又蠲免各省節年正耗民欠因災緩

靖江縣志

卷一

蠲恤

七

徵帶徵銀

六十年奉

旨丙辰元旦為嗣皇帝登極初元即將嘉慶元年各

直省應徵地丁錢糧按年輪免於嘉慶元年為始分作三次按年輪

免每年免三分之一

嘉慶四年奉

旨乾隆六十年以前各省積欠緩徵地丁耗羨及民

欠籽種口糧漕糧銀兩並積欠緩徵民借米穀草

束等項現在應徵者並行豁免

十四年奉

旨從前各省偏災地方所有借給貧民籽種口糧牛

具等項著予豁免

二十四年免二十二年以前積欠銀米

道光三年水災免本年銀米十分之二緩徵舊欠銀

米賑濟

十一年水災免本年銀米十分之三緩徵舊欠銀米

賑濟

十五年免十年以前銀米其十一年至十四年民欠

靖江縣志

卷一

蠲恤

八

並緩徵

二十年水災免本年銀米十分之二緩徵舊欠銀米

賑濟

二十二年夷船過境免本年銀米十分之三

二十五年免二十年以前遞緩銀米其二十一年至

二十四年民欠並緩徵

二十八年水災免本年銀米十分之二緩徵舊欠銀

米賑濟

二十九年水災免本年銀米十分之三緩徵舊欠銀